

臨證指南醫案目

卷十

幼科要畧

痧疹

痘

疳

吐瀉

癰瘰

虫

集方

臨證指南醫案卷十

潁關李大瞻翰圃

古吳葉

桂天士先生著

錫山華南田岫雲同較

邵銘新甫

幼科要畧

按襁褓小兒體屬純陽所患熱病最多世俗醫者固知謂
六氣之邪皆從火化飲食停留鬱蒸變熱驚恐內迫五
志動極皆陽奈今時治法初則發散解肌以退表熱仍
混入消導繼用清熱苦降或兼下奪再令病家禁絕乳

雖不可禁
然大宜減
佐以柔飲不
生痰石何

食每致胃氣索然內風來乘變見驚癇告斃甚多附記
世俗通套之方藥於左不可不知不足取法也

防風 荆芥 葛根 前胡 桔梗 木通

赤芍 荀子 厚朴 陳皮 山查 麥芽

枳殼 神麴 鈎藤 夏佐香薷冬佐麻黃羌活

兩三日熱不解

柴胡 前胡 黃連 黃芩 山梔 連翹

薄荷 葛根 木通 鈎藤 厚朴 枳實

瓜蒌實 九劑必用大黃

四五日不解但言食滯未盡表裏不和總以柴芩小陷

錄出諸藥

凡人不可輕

用及觀心幅

所用之藥何

不出此法味

則前此相

非真藥要知

此等為總

主用之得

實不對症

則必宜用

有害於人

不必錄出

藥戒反

胸若嘔逆煩渴用竹茹黃連半夏若痰多喘促即用葶
藶杏仁薤白蓮子藟子胆星貝母甚者牛黃此皆套法所
當戒也

屢清消不食便去方法苟不受驚必日骨蒸孩勞所用
藥餌不分氣血陰陽但知見症施治如早涼暮熱必用

地骨皮 丹皮 生地 元參 甘草

北沙參 石薺 知母

有痰加

薤白 杏仁 貝母 栝仁 胆星 桔梗

其鈎藤石薺茯苓穀芽之屬每劑必用總之取多故痰

啟人
疑也

名言

今有此人，已為良醫矣。

藥待其自愈，倘有安症，希冀掩而已。

愚按：嬰兒肌肉柔脆，不耐風寒。六腑五臟氣弱，乳汁難化，內外二因之病多矣。然有非風寒竟致外感，不停滯已屬內傷。其故何歟？嘗思人在氣交之中，春夏地氣之升，秋冬天令之降，呼吸入與時消息間，有穢濁吸入，即是三焦受邪。過募原直行中道，必發熱煩躁。倘幼醫但執前藥，表散消導，法火通便，病輕或有倖成病重，必至顛覆。錢仲陽云：「黃履不可近襁褓。」余言非云懷矣。四十年来，治效頗多，累述貞孽云。

夫春溫夏熱，涼冬寒，四時之序也。春應溫而反大寒，夏應

熱而反大涼。秋應涼而反大熱。冬應寒而反大溫。皆不正之乖氣也。病自外感。治從陽分。若因口鼻受氣。未必恰在足太陽經矣。大凡吸入之邪。首先犯肺。發熱咳嗽。口鼻均入之邪。先上繼中。咳喘必兼嘔逆腹脹。雖因外邪。亦是表中之裏。設宗世醫發散陽經。雖汗不解。効稗質薄神怯。日期多延。病變錯綜。茲以四氣常法列左。

伏氣

春溫一症。由冬令收藏未固。昔人以冬寒內伏藏於少陰。入春發於少陽。以春木內應肝胆也。寒邪深伏。已經化熱。昔賢以黃芩湯爲主方。苦寒直清裏熱。熱伏於陰。苦

皆正論也

味堅陰乃正治也。知溫邪忌散，不與暴感門同法。若因外邪先受，引動在裏伏熱，必先新涼以解新邪。繼進苦寒以清裏熱，況熱乃無形之氣，幼醫多用消滯攻治，有形胃汁先涸，陰液劫盡者多矣。

備用方黃芩湯

葱豉湯

新邪引動伏邪

涼膈散

清心涼膈散

風溫

春溫者，春月受風，其氣已溫。經謂春氣病在頭，治在上焦。肺位最高，邪必先傷。此手太陰肺病，失治則入手厥陰心胞絡，血分亦傷。蓋足經順傳，氣分如太陽傳陽明人。

皆知之肺病失治。逆傳心胞絡。幼科多不知者。俗醫見身熱咳喘。不知肺病在上之旨。妄投荆防柴葛。加入枳朴杏蘇。葡萄查麥廣皮之屬。輒云解肌消食。有見痰喘便用大黃礞石滾痰丸。大便數行。上熱愈結。幼穉穀少胃薄。表裏苦辛化燥。胃汁已傷。復用大黃大苦沉降丸藥。致脾胃陽和傷極。陡變驚癇。莫救者多矣。

按此症風溫肺病。治在上焦。大風溫春溫忌汗。初病投劑。宜用辛涼。若雜入消導發散。不但與肺病無涉。劫盡胃汁。肺之津液。上供頭目。清竅徒爲熱氣薰蒸。鼻乾如煤。目瞋。或上竄無淚。或熱深肢厥。狂躁溺瀉。胸高氣促。

正論

皆是肺氣不宣化之徵。斯時若以肺藥少加一味清降。使藥力不致直趨腸中。而上痺可開。諸竅自爽。無如城市庸醫。僉云結胸。皆用連薤。柴枳。苦寒直降。致閉塞愈甚。告斃甚多。

按此症初因發熱喘嗽。首用辛涼清肅。上焦如薄荷。連翹。牛蒡。象貝。桑葉。沙參。梔皮。薤皮。花粉。若色蒼熱勝。煩渴。用石膏。竹葉。辛寒清散。痧症亦當宗此。若日數漸多。邪不得解。苓連涼膈亦可選用。至熱邪逆傳入膈中。神昏目瞋。鼻竅無涕淚。諸竅欲閉。其勢危急。必用至寶丹。或牛黃清心丸。病減後餘熱。只甘寒清養胃陰足矣。

急救非此
不可

備用方葦莖湯

清心涼膈散

涼膈散

瀉白散

葶藶大棗湯

白虎湯

至寶丹

清心牛黃丸

竹葉石膏湯

喻氏清燥救肺湯

夏熱

夏爲熱病。然夏至已前。時令未爲大熱。經以先夏至病溫。後夏至病暑。溫邪前已申明。暑熱一症。幼醫易眩。夏暑發自陽明。古人以白虎湯爲主方。後賢劉河間創議。迥出諸家。謂溫熱時邪。當分三焦投藥。以苦辛寒爲主。若拘六經分症。仍是傷寒治法。致悞多矣。蓋傷寒外受之

大順散乃
治暑月傷
暑方也
得連類

寒必先從汗解。辛溫散邪是已。口鼻吸入之寒。卽爲中寒。陰病治富溫裏。分三陰見症施治。若夫暑病。端方甚少。皆因前人畧於暑。詳於寒耳。考古如金匱暑暍瘧之因。而察古以動靜分中暑中熱。各具至理。茲不槩述。論幼科病。暑熱夾雜別病有諸。而時下不外發散消導。加入香薷一味。或六一散一服。考本草香薷辛溫發汗。能泄宿水。夏熱氣閉無汗渴飲停水。香薷必佐杏仁。以杏仁苦降泄氣。大順散取義若此。長夏濕令。暑必兼濕。暑傷氣分。濕亦傷氣。汗則耗氣。傷陽。胃汁大受劫斲。變病由此甚多。發泄司令。裏真自虛。張鳳達云。暑病首用辛

涼。繼用甘寒。再用酸泄酸歛。不必用下。可稱要言不煩矣。然幼科因暑熱蔓延。變生他病。茲摘其槩。

受熱厥逆

夏令受熱。昏迷若驚。此爲暑厥。卽熱氣閉塞孔竅所致。其邪入絡。與中絡同法。牛黃丸至寶丹。芳香利竅可效。神甦以後。用清涼血分。如連翹心。竹葉心。玄參。細生地。鮮生地。二冬之屬。此症初起。大忌風藥。初病暑熱傷氣。竹葉石膏湯。或清肺輕劑。大凡熱深厥深。四肢逆冷。但看面垢齒燥。二便不通。或瀉不爽爲是。大忌誤認傷寒也。

疳

幼兒斷乳納食。值夏月脾胃主氣。易於肚膨泄瀉。頭熱手足心熱。形體日瘦。或煩渴善食。漸成五疳。積聚當審體之強弱。病之新久。有餘者當疏胃清熱。食入糞色白。或不化。當健脾佐消導。清熱若濕熱內鬱。蟲積腹痛。導滯驅蟲微下之。緩調用肥兒丸之屬。

口疳

夏季秋熱。小兒泄瀉。或初愈未愈。滿口皆生疳。飽食有阻。塞咽喉致危者。此皆在裏濕盛。生熱。熱氣蒸灼津液。不升濕熱偏傷氣分。治在上焦。或佐淡滲。世俗常刮西瓜翠衣治疳。取其輕揚滲利也。

脹

夏季濕熱鬱蒸脾胃氣弱水穀之氣不運。濕着內蘊爲熱。漸至浮腫腹脹。小水不利。治之非法。水濕久漬。逆行犯肺。必生咳嗽喘促。甚則坐不得卧。俯不能仰。危期速矣。大凡喘必生脹。脹必生喘。方書以先喘後脹者治在肺。先脹後喘者治在脾。亦定論也。金匱有風水。皮水。石水。正水。黃汗。以分表裏之治。河間有三焦分消。子和有磨積逐水。皆有奧義。學者不可不潛心體認。難以槩述。閱近代世俗論水濕喘脹之症。以內經開鬼門。取汗爲表治。分利小便。潔淨府爲裏治。經旨病能篇。謂諸濕腫滿。

皆屬於脾。以健脾燥濕爲穩治。治之不效。技窮束手矣。
不知凡病皆本乎陰陽。通表利小便。乃宣經氣利腑氣。
是陽病治法。暖水臟溫脾腎。補方以驅水。是陰病治法。
治肺痺以輕開上。治脾必佐溫通。若陰陽表裏乖違。臟
眞日漓。陰陽不遵。亦必作脹。治以通陽。乃可奏績。如局
方禹餘糧丸。甚至三焦交阻。必用分消。腸胃室塞。必用
下奪。然不得與傷寒實熱同例。擅投硝黃枳朴。擾動陰
血。若太陰脾臟飲濕阻氣。溫之補之。不應欲用下法。少
少甘遂爲丸可也。其治實症。選用方法。備採。

備用方葶藶大棗湯

瀉白散

大順散

諸方亦即
太猛不可
輕用

牡蠣澤瀉散

五苓散

越婢湯

甘遂半夏湯

控涎丹

五子五皮湯

子和桂苓湯

禹功丸

茯苓防已湯

中滿分消湯

小青龍湯

木防已湯

附記一徐姓小兒單脹數月。幼科百治無功。僉用肥兒丸萬安散磨積丹綠礬丸雞脾藥俱不效。余謂氣分不效。宜治血絡。所謂絡瘀則脹也。用歸鬚桃仁延胡山甲蟅螂麝蟲靈脂山查之類為丸。十日全愈。

吐瀉霍亂

吐瀉一症。幼兒脾胃受傷。陡變驚搐最多。若是不正穢氣